

# »My přećiwo koronje« – aktualne naprawy přećiwo koronje w Swobodnym staće Sakskej

Lube wobydlerki a lubi wobydlerjo, Wam wšitkim so dźakuju, zo naprawy přećiwo pandemiji sobu zwoprawdžeće. Njesemy tute brěmjo zhromadnje.

*ministerski prezident Michael Kretschmer*

## Wukaz za škit před koronu



Sakske statne knježerstwo je nowy **wukaz za škit před koronu** wobzamknyło, kotryž plaći wot 17. julija 2022. Wukaz wobsahuje zakładne škitne naprawy na bazy toho, štož zakon wo škiće před infekcijemi předpisuje.

Tule su najwažniše plaćiwe postajenja.

# Přehlad napravow přećiwo koronje

## Winowatosć maski we wěstych zarjadniščach

W zjawnych wobchadnych srědkach je w Sakskej wužiwanje maski winowatosć. Wot 28. meje sem dosaha mediciniska maska, na př. OP-masku. FFP2-masku wjace njeje na kóždy pad trěbna.

W chorownjach a lěkarskich praksach je jenož hišće mediciniska maska winowatosć. FFP2-masku so doporuča při direktnym styku z wulnerabelnymi wosobami.

W druhich strowotniskich a socialnych zarjadniščach (mj. dr. podpěry zbrašenym a handicapowanym, hladarnje) je FFP2-masku nadal předpisana.

Statne knježerstwo na kóždy pad doporuča, w zjawnje přistupnych rumnosćach w masce chodźić a minimalny wotstawk dźeržeć.



## Winowatosć testowanja we wěstych zarjadniščach

Winowatosć testowanja na korona-wirus plaći mjez druhim za dźěłodawarjow, sobudźělačerjow a wopytowarjow slědowacych zarjadniščow:

- hladarnje, hospicy, dźěłarnje za zbrašenych
- centralne zarjadnišća, kiž hospoduja požadarjow wo azyl a čekancow
- wotsuwarnje a zarjadnišća jatby za psychisce chorych skućicelow

Winowatosć testowanja njeplaći za ludźi, kotřiž su młódši hač 6 lět.

Šćěpjeni abo wustrowjeni dźěłodawarjo a sobudźělačerjo h. mj. zarjadniščow dyrbja znajmjeńša dwójce wob tydžeń aktualny wuslědk testa předpožić.

Šćěpjeni abo wustrowjeni wopytowarjo a sobudźělačerjo chorownjow njetrjebaja so testować dać. Nješćěpjeni dźěłodawarjo a sobudźělačerjo kaž tež tajcy, kotřiž na koronu hišće schorjeli a so wustrowili njejsu, dyrbja znajmjeńša dwójce wob tydžeń aktualny test předpožić.

Nješćěpjeni wopytowarjo kaž tež ći, kotřiž na koronu hišće schorjeli a so wustrowili njejsu, dyrbja aktualny test předpožić.

## Šule a kublanje

- W pěstowarnjach a šulach maski a testowanje wjace njejsu winowatosć.
- Winowatosć testowanja za dźěćace dnjowe přebywanišća z hojenskeje pedagogiki a podobnych zarjadniščach nadal plaći.

